

摘藻堂四庫全書薈要

集部

欽定四庫全書薈要卷一萬八千三百二十三

集部

御選宋詩卷十六

五言古詩七

韓駒

淮上書事

平楚盡積水長淮多竒峯蕭條月曜夜浩蕩風鳴冬客  
行未可歸敝裘那得重寒氣瘦病骨清潭見哀容遠遊  
有滯念將老無歡悰故國渺萬里去此嗟誰從

西山梅花

空山有佳人寒林弄孤芳  
曉分天女白夜奪嫦娥  
光亭亭照清淺欲渡橫  
無梁微風起復滅為我傳幽香

題采菊圖二首

黃菊有何好且寄平生懷  
遇酒興不淺無酒意亦佳  
此理誰復明自惜寡所諧  
空餘采菊圖寂寞懸高齋  
今日菊始花叢雁鳴相和  
若無一觴酒如此重九何  
悠然數酌盡會心豈在多  
醒來不復記散髮東山阿

送陵松老農

呼舟越洪濤笑識江南山此行為子來政擬一笑歡相  
逢不忍別丘壑同躋攀如何舍我去使我心悁悁子實  
名家後翰墨素所便老農雖自謂念我安知田世故亦  
已足擾擾徒自憐天寒歲且盡趣駕扁舟還

答蔡伯世食筍

蓴絲化鹽豉槐葉資新麪豈知苦竹萌風味常獨擅昔  
我居錦城屢吃田家飯扶杖自入箐煨此犢角繭後參

鶴林禪餽我桑門饌  
烝烝沸鼎中亂下白玉片  
惟無他物乘始覺真味現  
三年客東都錦籜寧復見  
千金洛陽來惟充大官膳  
前時過君食欣逢故人面  
那知列仙臞已雜蒯通雋  
吾寧飽甘肥憤吒那忍嚙  
請歸謂主孟厨人後當諫  
苦苴雜嘉蔬沈香和甲煎  
柯亭既誤椽畫障或遭練  
古來可歎事千載寄明辨  
作詩弔籜龍助子當食歎

入鳴水洞循源至山上

崇山蓄靈泉萬古去不息  
瀦為百斛深散入千渠溢  
其東滙民田又北尋山腋  
斷崖如牙爪飛瀑中蕩激  
大聲或雷霆細者亦竽瑟  
末流垂半山十里見沸白  
得非拖天紳常恐浮地脈  
呂梁丈人老尚與汨昏出  
我欲躡驚湍下窮巖齧石  
惜哉意徒然屬此歲凜凜  
安得汝南周斷取白蛟脊  
歸之龍泉峯山門夜喧席

去冬除守厯陽未上召還  
西掖今夏自應天尹  
移知齊安道由厯陽珪老  
相訪奉簡一首

嘗聞歷陽郡寺有褒禪山及我分竹符欲往窮躋攀驅  
車發半道尺一喚我還歎息巖下水何時照衰顏復持  
齊安節稅駕臨通闌屬有行役累無由叩禪關珪公我  
岷秀逸韻超人寰攜詩遠過我殷勤請加刪少年意氣  
盛笑我毛髮斑夜話不知寢起看江月彎浮生浪擾擾  
萬法本自閒為吏何足論誓將老樵管買田未及議我  
實貧非慳奉乞一菴地往來泉石間

李氏娛書齋

欲樂誑凡夫須臾皆變壞惟書有真樂意味久猶在李  
君名家流事業窺前輩澹然無他娛開卷與心會憶我  
童稚時書亦甚所愛傳抄春復秋諷誦晝連晦飲食忘  
辛鹹汙巧失盥頰爾來歡喜處乃在文字外卷藏二萬  
籤棊几靜相對此君樂未知狂言勿吾怪

曹緯

山行

日出過山頭日入宿山下我行山亦行隱隱似奔馬朝



昏山送迎山意自傾寫借問征途間誰如此山者

喻汝礪

謁江瀆廟

坤軸東南傾大江日夜注前驅下洛洙餘濤畧吳楚任  
勢不期勞得意緣所遇水也初無營神哉亮誰主芳蘭  
沈清華碧藻舒翠縷晨鵠戲野岸春鳧集深渚均是得  
所安伊神豈私汝古來幾清魂捨此迷所處浮游不知  
還沙邨失烟樹而我後千載悠然在江滸抱嗇貴無競

矜名忌多取冥冥  
罨岸風淫淫打船  
雨舞雪窺洪濤開  
蘋渡前浦再拜謝  
神貺聊復隨所住

晚泛浣花遂宿草堂

扣橈汎澄虛濯流睇幽芳  
晚霏襯竒樹夕霏媚疎篁  
歸鳥亦暫閒夜魄動初涼  
忽焉衆星微天高月舒光  
昔也杜陵子澹然此茅堂  
客至酒自斟句得意亦忘  
云何常念饑零落在道旁  
古來技入神一飯豈所望  
吾輩天所窮慨歌淚沾裳

何遠

章序臣得銅雀硯屬余作詩

阿瞞恃奸雄挾漢令天下惜時無英豪磔裂異肩踝終  
令盜坏土埏作三臺瓦雖云當塗高會有食槽馬人愚  
瓦何罪淪蟄翳梧櫨錫花封雨苔鴛彩晦雲罅當時丹  
油法銅雀瓦用鉛丹雜胡桃油搗治火之取其雨過即乾實非謀諸野因之好奇  
士探琢助揮寫歸參端歛材堅澤未渠亞章侯捐百金  
訪獲從吾詫興亡何復論徒足增忿罵但嗟瓦礫微亦

以材用捨徒令瓴甃餘當擅瓊瑰價士患德不備不憂  
老田舍

傅察

次韻祝廉夫登清微亭

大火氣方熾新金伏未興茆屋苦卑陋蘊毒空自憎流  
汙常被體滌煩屢飲冰那堪青蠅輩鼓翅作威稜薰風  
爍炎日沸鼎助薪蒸每思謀爽塏地隘舊無稱高亭枕  
城隈粉堞勢騰陵清水繞其足茂材瞰田塍此間有異

趣躋攀弗能勝佳招適我願坐覺神魂澄何當卜鄰舍  
與子朝夕升飄然忘世累長嘯效孫登

夜登清微亭陰雨掩翳少頃月出皎然次前韻

融融暑未闌悄悄夜方午命駕聊扣門尋幽得茲土俯  
矚但蒼茫前瞻何莽鹵萬籟正虛無羣生各安堵蟬嘯  
作笙簫蛙鳴當鐘鼓鳧舄政參差詼諧懼狎侮豈惟冠  
蓋傾已覺肝膽吐坐久隱奔雷天邊垂密雨疎木列賓  
朋衆峰自臣主螢火落星明爐烟裊青縷那能勝酒杯

所欣瞻德宇高歌屢激昂  
失喜或俛僂蕭颯濯塵襟  
清虛湛靈府快如仙爪爬  
灑若頭風愈須臾出金盤  
照曜開玉戶映浪雜瓊瑰  
穿簾間壁珥斯游豈前謀  
後會難逆數歡餘岸綸中  
語約揮松塵可能伴雞棲  
亦復隨蝶相廣寒會可升  
試為刷翎羽

伯時往河東戲與廉夫分韻道相思之意

日月劇跳丸暫別亦已久  
青山繞層巔道里阻且右  
今晨登南樓會此同志友  
思公聊北望竚立但搔首  
秋風

八月天霽色明朝牖軒車何時來遲爾一杯酒

宗澤

謁華嶽

楊賜嶽所挺嚴武金天晶二子為時出顧我非炳靈維  
嶽鎮四方氣秀天骨清截薛立千仞力能產公卿降神  
詠崧高識緯仍反經取象到執圭譎怪如洞冥

呂才論  
華山狀

如執圭多  
產貴人

平生笑窮竒立語心自驚我質培塿耳胸山

固崢嶸誰言華嶽高我山摩玉京是中所包藏丹碧參

瑰瓊平居蟄雲雷飛雨溢四溟此豈真有之落筆紛縱  
橫發我文物秘象渠膏澤傾太華屹不搖我山身載行

李綱

謁告迎奉親闈聞有醴泉之除不勝慶抃作詩  
寄叔易季言二弟

薄宦便甘旨兩載官南徐江山富佳致足以為親娛昆  
弟盡在傍承顏歡有餘寧知驛書召結束趨征途旅食  
寓京華夢想懷庭除宸恩賜清燕天語聞都俞蘭省幸



備員匪才慙冒居思親動歸興謁告之東吳曉出通津  
門輕舸泛汴渠鶯花已爛熳榆柳正扶疎去去指苔雲  
行行遠神都中途聞吉語動色觀除書天子隆孝治朝  
廷優老儒犬馬志欲養獲此伸區區

同叔易季言遊虎丘寺邂逅何得之

理權適閩粵虎丘聊艤航霜林正搖落翠柏森成行入  
門躡磴道喬木間踈篁秦帝試劍石破瓜分路傍生公  
雨花臺說法今不忘蒼蘚依峭壁枯荷響迴塘遂遊劔

池上毛髮森以張沈沈下無底疑有虬龍藏鑿削露天  
巧胚胎勞混茫清竒儼圖畫秘怪叵測量薜荔疊秀色  
枇杷吐幽香行行造梵宇金碧相熒煌危脊聳古殿長  
腰曼修廊憑虛架雲閣鑿險通禪房開軒俯吳會蜂窠  
繚池隍列岫靄遙碧平湖湛孤光追尋殊未倦策杖登  
崇岡幽獨詩句苦闔廬丘塚荒五聖瞻象設羽泉酌甘  
芳西菴何閨寂修竹自蒼蒼脫履足生繭解衣汗如漿  
却攜二三子置酒白雲堂念舊已悽惻感時增慨慷况

我遠行涉狷介懷剛腸一杯且相屬世事都茫茫冠冕  
志已冷山林興偏長逝將脫羈束超然傲羲皇斯遊信  
清絕去去何時忘

松江第四橋

松江第四橋風雨不可過下有百尺蛟蜿蜒枕橋卧窟  
宅據要津口腹長饑餓每憑波濤勢能作舟楫禍安得  
飲飛手坐使神姦破往來永無虞時鼓清江柁

覺度寺

夕發富春渚朝次桐君廬桐君採藥地今作僧家居石  
磴上窈窕林苒下扶疎山根二江合清波見游魚霜晴  
響鐘磬日落歸樵漁客從何方來弭櫂聊跼蹐清景難  
久駐悵然還問途

志宏得碧字以詩來次其韻

明月照清溪影落千尋碧輕風皺微瀾蕩漾搖金色相  
攜理桂楫及此萬籟寂天空露氣寒棲鳥正縮瑟何人  
起秋思數弄月中笛坐使遷客情淒然感去國清遊得

英俊勝賞飽泉石豈殊在吾家親戚效於側賦詩各言  
懷險韻對勅敵歸家氣未衰開匣看三尺

遊棲雲寺

清曉戒徒御出郊為勝遊霜林半搖落肅穆天地秋散  
策陟峻嶺憑高瞰清流禪居得蘭若迴覺林泉幽露草  
淒更碧風松鬱相繆山空鐘磬響地勝池臺幽竹色森  
不改桂香泱泱浮經行豈蓮社景物如虎丘流水人寂  
寂歸雲晚悠悠惜哉光景促妙賞難淹留却步出山徑

猶迴戀山眸登臨興未盡更理溪中舟

華容西二十里許有墨山即離騷所謂元石也  
山有大雲寺寺有雲母泉甘芳潔清大旱不竭  
唐李華有詩序之甚詳其末云華貶杭州司功  
思復左補闕次於岳陽江山延望思與高賢共  
飲雲母之泉躬耕墨山之下敢違朝命以徇私  
欲秋風露寒洞庭微波一聞猿聲不覺涕下況  
支離多病年甫始衰願餌藥扶壽以究無生之

學事乖志負火熱余心三復其言而悲之因次

其韻

霜風振枯林肅肅有異聲我登元石山適此氛祲清散  
策步山巔僧廬窈而精石磴盡雲母晶瑩燦瑤英涓涓  
幽谷泉玉色淒芳馨飲者得難老沈痾體皆平乃知泉  
源美本自山川靈沈吟遐叔詩此豈浪得名肺腑久塵  
埃於焉吸清泠玉池豔生葩漱濯歸黃庭却思陸子泉  
厥味可弟兄白首困飄泊丹心竟何成鼓枻渡瀟湘曳

裾拂荆衡回頭故山遠愴恍若為情區區金石堅正賴  
日月明卷舒隨用舍未覺殊虧盈風高洞庭波雲暝蘭  
芷城餌藥扶始哀究心學無生庶幾甫知命寸田不廢  
耕

寓瓊山遠萼館一夕夢遊山間小堂松竹環合  
有道士坐道上誦李太白送人遊桃源序中有  
良田名池竹果森然三十六洞別為一天之語  
覺而異之今假道容惠當遊勾漏都嶠白石羅



浮皆洞天也豈神者先告將有所遇耶賦詩以紀之

神清遂仙遊境寂恣遐躅羽人入我夢軒戶靄松竹高  
吟謫仙文逸韻響金玉覺來殘燈熒惝恍猶在目歸途  
厯容惠問津非素卜將遊四洞天就彼白雲宿豈無葛  
稚川妙論資灌沃試求龍虎丹一使鬢毛綠斯言儻可  
信長揖謝浮俗却笑昌黎翁強項寧詰曲

宿都嶠山靈景寺

清晨遊棲真薄暮宿靈景山空松桂香雲細泉石冷高  
崖敞飛簷象緯逼參井惜無娟娟月散此林下影夜闌  
風露寒巖曲燈火耿疎鐘響嵌竇客枕發深省

自晉康順流六十里有山巉然臨江下有巖洞  
可容千人軒豁平坦景物幽邃石罅間滴泉厥  
味甘冽因目之曰玉乳巖詩以紀其事

鼓柁下端溪停橈登截薛呀然巖洞開儼若棟宇設千  
夫可環揖放步靡凹凸玲瓏四壁間一一幢旆列誰令

胚渾初凝結有罅缺當年補天手不願山石裂鑿鑿餘  
舊痕瑣碎委環玦五峰近龍淵無乃通貝闕試求玉函  
書何異探禹穴涓涓乳泉滴璨璨冰玉潔清聲落嵌竇  
自中琴筑節嘗之味甘芳滌我肺腑熱瓊漿笑裴航石  
髓謝王烈嶠南瘴癘鄉有此雲腴冽青蔥松桂陰景物  
助幽絕豈無會心人來遊此旌別題詩製佳名聊以紀  
歲月碧落遙相望千里未磨滅

自河源行如循梅雨霽天氣頗佳偶成古風

宿雨乍開霽新陽倏飛升嶠南瘴毒地乃爾氣候清東  
裝遵陸途夾道松林青我家大江南及此歸有程山禽  
亦為喜林間轉新聲況復抵衡宇童稚歡相迎入室酒  
盈樽聊以慰平生已矣勿復道晚節師淵明

題棲真館三十六韻

武夷古洞天竒峯三十六一溪貫羣山清淺縈九曲溪  
邊列巖岫倒影浸寒綠翩如鸞鳳翔矯若虬龍威樓觀  
聳宮堯屏幃互重複蛻仙骨遺金遊女肌削玉雞棲層

巖巔船插斷崖腹學館存几案仙機餘杼柚藍光瑩澄  
潭虹影挂飛瀑翠竹陰天池蒼苔封石屋繪禽頂長丹  
遺跡指如掬莪莪天柱峯幔亭連翠麓傳聞武夷君嘗  
此會仙族飛橋幾千丈絕頂亘山足障以翠雲屏藉以  
紫霞褥瑤樽傾沆瀣玉豆脯麟鹿仙妃奏賓雲金鼓間  
絲竹酒酣歌夕暉歎息光景促曾孫誰復在往事空遺  
躅至今風月夜笙簫響虛谷地靈饒泉石山潤秀草木  
坐使七閩人陰此仙靈福嗟余真散材性愛山水酷仙

經與地志名字久已熟薄官方區區仙賞宜碌碌神遊  
先夢寐幽覲寄圖錄寧知因謫官乃得厭所欲沿沂窮  
幽深應接勞耳目開襟豁懷抱壯觀慰幽獨却邀白雲  
歸伴此巖下宿夜寒夢魂清曉發輕裝速仙遊須再來  
何當謝羈束

季夏之初自安國遷南臺天寧寺依南山而面  
北暑氣尤盛暇日望山頂松林鬱然意必有異  
因穴垣鑿磴以造其上形勢坦平風日清美四

顧山巒環合江潮往來景物不可摹狀月出林  
表清光更多夜久聞寥殆非塵世作古詩二十  
韻以紀其事奉呈巽達元仲

旅泊不求安小憇南臺宮軒楹盡北嚮盛暑墮甌中開  
垣追微涼山頂羅千松煩襟忽破散濯此萬里風羣山  
遞環遶雲物增竒峯江潮信有期來去初不窮嘯咏得  
所託幽禽亦玲瓏青霞蔽落日皎月生於東清光入疎  
林照我鬢髮鬆壯年幾何時倏忽成衰翁願餐日月華

為駐冰雪容二子皆靜者翛然此相從靈丹論秘訣妙  
理談真空猶恨邇城市時來車馬蹤逝將選幽僻誅茅  
寄蒙龍灌溉荔枝園可敵萬戶封屋前修竹合屋後溪  
流通風月應更好清歡永相同稚川晚聞道尚冀刀圭  
功

夜乘汎碧齋至北溪口觀新橋與興宗志宏分  
得泛字

秋高氣倍清夜靜舟初泛露華浩如洗月色寒可鑒林



巒與邑屋左右入軒檻晶熒星影搖嵩萃山光蘸風微  
煙冪冪溪遠波湛湛端疑客乘槎坐使雲河犯觀梁且  
停橈戀月愁繫纜景幽費摹寫思妙造古淡吾方久於  
此勝賞豈云暫願同二三子險韻時得探

渡浙江

理樅適桐江隨潮過漁浦山寒雪猶積江迥月初吐御  
氣凌煙霄乘槎渡星渚空濛老龍吟髣髴翠蛟舞境清  
人自愁夜靜氣尤古獨坐不成眠霜晴聽津鼓

賦叢菊數日來頗有開意戲題

愛菊如淵明憑欄惜花宴朝來有開意嫩蕊肥欲綻願  
承玉露漙一吐金英粲臨風嗅馨香為爾發三歎

陳東

詠桃花菊一章

潘郎甘望塵陶令亟避俗胸中定何如清濁在一矚河  
陽豔桃李彭澤鬱秋菊所好邈如許二子殊品目詩人  
易評量忍使混衡斛當使磨冰鑑要遣鬚眉燭勿容脂

粉姿濫入圭璋錄神仙真渺茫浪說武陵谷不如臨清  
潭飲水樂自足誰令春雨紅點污秋株綠寒根豈無知  
風霜怒應蓄令尹非安仁腰帶肯輕束脫巾漉酒漿黃  
花泛新馥

鄧肅

偶成

我涉江東路平地雪盈尺明日登芙蓉晴天開曉日竭  
自婺源來陰雨連朝夕瘦馬逼雲際又斷簷間滴顧我

亦何人市朝欲掃跡平生詩酒交落井仍下石那知涉  
畏途乃煩造化力要知萬里行人謫非天謫衡雲霽韓  
愈海市呈蘇軾君知此理不鬼物護狂直

謁南齋諸友

青青門外竹練練澗中流水竹自相激天壤無炎洲我  
友有高韻來為挾策遊氛埃飛不到軒窗寸寸秋高文  
穿天心細字編蠅頭氣豪欲騎月志銳定焚舟我來初  
過雨衣衫空翠浮平生百斛塵一洗空不留歸來短檠

下清風入夢幽不知白蓮社肯容靈運不

登妙峯閣

維舟古木陰故人能倒屣相攜步高閣千尺誇雄偉雨  
餘天氣清宇宙空如洗對面碧玉峯去天不盈咫憑欄  
一超然欲搏九萬里下視囂塵間蠢蠢魚蟲耳平生浪  
自苦馬上肉消髀忽忽欲何之燒香更隱几入夜寂無  
人波聲欄下起坐覺非塵寰雷霆生脚底

遊東山

草木得新露襲人吹冷香泉水夜相激衾枕自清涼我  
攜謫仙人眉目秀而長高懷洗塵累抵掌論老莊若人  
不世有此景那可忘終當跨皓鶴同作雲間翔

陪李梁溪遊泛碧

涼天夜無雲寒江秋更碧冷照月華中水天同一色畫  
船渺中流三更羣動寂清風遠相隨蘆花秋瑟瑟近山  
得桂香隔煙起漁笛樓臺半有無疑是化人國我生本  
無事釣竿勤水石今宵更可人仍侍君子側浪登元禮

舟本非謫仙敵斂手看揮毫光芒騰萬尺

泛舟示子

秋江十日雨破浪飛危檣恍如在天上萬頃煙茫茫狂  
風自南來桂華雨新黃停杯不須飲且飲空中香平生  
四海心老大愧周郎聊復隨孺子解纓濯滄浪北斗挹  
酒漿天孫織衣裳乘興拏舟去一笑上銀潢

葉夢得

送模歸下山并示僧宗儀為余守西巖者三首

錄二首

自我離山間忽已兩改月饑人不忘食未坐先已說家  
僮挾書至驚起慰愁絕推尋到雞犬問訊窮曲折此生

豈多為一壑萬慮滅可能復大錯更鑄八州鐵

江東領八州

汝歸馬蹄輕初不恨觸熱慙懃報松竹我豈成久別

端居探幽竒自謂畧已徧昨登西山嶺雄絕昔未見溪

湖莽吞吐雲物紛百變乃知十年間尚或遺勝踐巢成

輕棄去我豈秋社燕

築南山絕頂亭  
基垂成而來

為我課僮僕開闢



盡二面莫言羊腸險徑小煩屢轉杖藜不用扶吾脚猶  
爾健

送沈傳曜

卜峯磨青空東望烏氏敦豈忘宿春糧終愧一欵門  
邂逅此相遇傾懷得徐論人言解牛刀要使當劇煩未悟  
清廟器未絃列壘尊我哀百慮息但念三畝園王師肅  
西征萬馬先雲屯何力賞賜履緬慙羨歸軒寄聲舴艋  
舟想見浮雁邙清泠尚可釣無使雲水渾

同敦立游蔣山謁寶公塔王荆公墓過草堂寺  
周顥故宅也

我居在城府再至俄二年豈無山水心  
苦奈簿領纏今晨偶乘興適此賓從賢  
零雨洗驕陽谷中聽流泉憑高快遠覽  
正見江浮天至人本無心與我常周旋  
誰云喚

不磨汝意自不度

余自到鎮每雨暘祈寶公塔未嘗不應

麥隴稍已滋橫

水漲微漣佳城荷華表拱木埋貂蟬  
暮過草堂寺借榻聊暫眠不復聞怨鶴  
荒茆但連延歸路踐落日羣峯鬱

然  
相先回風送遠響虛里生晚煙吾廬悵何許東望良慨

汪藻

同張昌時宿高明寺

幽卧不知覺窗懸寒日初矧伊夜來雨谿聲到吾廬故  
人挽我出忽在天際書躋險敢自休青山轉籃輿相逢  
竹間寺共擷園中蔬殘生誰在亡奄忽十載餘茗果話  
疇昔新晴報鐘魚凍雷亦已鳴百草苔穎舒奈何與之

子齒髮日夜疎卷此不能發牽衣更踟躕明朝各回首  
世事將焉如

次高郵軍

小雨靜林麓鶉鴝相應鳴移舟漾清深薄晚荷氣生歸  
鳥盡雙去潛魚時一驚菰蒲若無人渺渺吹煙橫艇子  
楫迎我攜魚薦南烹月出珠未高疎林隱微明依沒會  
有處斗挂天邊城

庚午歲屏居零陵七月二十日以門掩候蟲秋

為韻賦五首

幽人獨夜時潮落西川根渡口櫓聲急一江煙雨昏城  
頭短長更不寐聽譙門趺坐數千息焚香待朝暾

暑退潦亦收瀟灑淨如染時觀自跳魚衝破青琬琰纖  
纖初弦月不受薄雲掩近邨應漸寒已有鴉數點

人生幾聰明日夜隙駒驟纔經花信風又過麥秋候吾  
非金石堅與世相邂逅胡為聞鐘鳴更歷路傍堦

家山在何許渺渺彭蠡東人來數月程衣敝補道中昨

宵青燈花似墜釵頭蟲兒饑女沈綿歲晚書未通  
人言間闊者一日如三秋孤臣昔放逐七見天星週早  
誇高門地姓名記前旒如何天雞星不照湘南州

李彌遜

歲戌戌秋舟行宿泗門有持小石售於市者取  
而視之其大可置掌握峯巒鬱然若巖竇澗壑  
水落月吐雲影渺冥若遠若近皆有自然之勢  
乃以千金購之而為之名曰羣玉峯曰水月巖

曰遙岑曰碧澗曰陰壑置諸座隅卧興對之從而為之辭

錄三首

羣玉峯

五城十二樓高下聳寒玉  
天空開翠微不受塵土觸  
半生嗟環轅萬事驚轉轂  
寄語山中人為占一峯綠

遙岑

宿雨洗空闊出此方寸岑  
聯綿翠光浮妙巧不可尋  
飛雲去未返慰我千里心  
誰為具薇絃有酒聊自斟

碧澗

蒼崖高鬱盤下有千仞傾當時捐珮侶寄此瑱琮聲坐  
石風露晚心與秋月明滄浪若可濯勿負冠上纓

淮陰遇風雨

吾廬豈不好白日若易夕如何芳歲闌尚此千里役乾  
坤一虛舟浩蕩楚天碧江山已在眼道路修且隔風雨  
怕不休波浪蹴天擲船頭困九牛屢挽不進尺人生造  
化間有似風中翮偶去還復來胡為事形迹杜陵誅雲



師韓子詛風伯我已兩忘言引觴聊自適

宿揚州城外

舟橫城郭繞缺月疎林杪窈窕一溪深微茫衆星小忘  
言對詩書適意親魚鳥幸此絕紛華行歌閱昏曉

碧霄泉

山根出清泉云自九天落風潮帶江腥天黑魚龍泊何  
當寸雲敷一灑徧寥廓滄浪勿復歌吾纓久已濯

雙渡塔

青松轉路頭白塔枕山肋錫飛歸上方杯渡空塵跡真  
源不可取香火供晨夕客至亦忘言荒庭秋草積

秋居雜詠

久懷簡書畏幸解紳笏束忘年效兒女適意揮僮僕植  
杖理新蕉埋盆養寒菊前除馴鵲鳥近檻遊麋鹿遐觀  
時倚楹瞑坐或忘燭門闌迹如埽我亦甘幽獨

疑疑庭前林離離夾中道靈柯結繁陰顏色四時好豈  
無霜雪侵不改凌雲操緬懷壯士心雅契幽人抱如何

方寸搖懸若風中燾吾廬偶與鄰聊擬七松號

窮秋雜花遠眷此霜下傑明金委珞瓔寶璐綴環玦依  
依風遞蘭皓皓日穿雪苦無天冶姿不受衆目悅銜觴  
汎其英攬之腸為結誰能踵高門持以浣中熱

出門泥活活不聞車馬喧一身謝羈絆百事從棄捐坐  
曠非息慮逃空遂忘言青燈有遺燼妙香無續煙涓涓  
簷間雷獵獵窗上鳶夫物具成理胡為尚求筌

顯顯集癯仙娟娟羅靜女孤標與秀色倏然出環堵我

來三二月離立僅成伍及秋新梢敷接葉庇風雨一日  
不可無幸茲共寒暑高枝有垂實鳴鳳在何許

駕言出城闕行行陟崇山舒懷到昭曠未覺天地寬  
彼離羣雁嘹嘹浮雲端嗟我遠兄弟千里同歲寒舉頭  
不見日況復遠長安歸飛胡不早聽此彫朱顏

公園十畝餘日涉亦成趣浮雲未全收晴沙已勝步杖  
藜相與行童稚雜冠履枯魚泳微瀾悴菊飲晞露欣物  
各有時撫懷偶軒慮安得三徑餘誅茅種瓜芋

東峯亭

芒鞋著層丘甘若卧華屋了然非夢覺似是前境熟行  
行上青冥下視八荒促回溪綰文練疊嶂環羣玉厨煙  
起城隅遠借晴林綠恍疑坐虛堂淡墨寫縑幅緬懷季

與劉靜躁等臧穀

寺有季公墩唐永泰中季廣琛表參  
破石埭城賊聞捷燕於此亭其下有

逸民劉遺

民釣臺

身名千載後巖影空遺躅霜林木葉下悲籟

喧寒谷我如臨風翰不受世網束蒲團白氈帳清夜儻  
可卜更從孤月來一洗昏衢目

五松寺

秋風吹客衣去路倚天碧躋攀一何苦政坐愛山癖人  
言五松下曾是瞿曇宅至今梧竹陰列屋棲禪寂塵纓  
得暫解俗駕聊可息怡顏巖間樹洗耳泉上石孤雲共  
還往窈窕去無迹道人乘急流獨步少林席客來了不  
言碧眼照庭柏希聲出鐘梵妙意生牆壁寒灰暗青燈  
偶坐遂終夕歸來人境空缺月挂山額

宿雲軒

平生念丘壑著我胸中雲偶為山樊居白雲亂衣中物  
類感濕燥人情異猶薰竒峯靄朱夏擘絮浮陽春興來  
攬之游要觀塵外身

次韻陳蹈元種竹池上之什

冶容多嫵媚勁節自高尚絕知尤物美寧似此君放疎  
蕓望修竹凜凜丈人行雖然合九奏未必遺一唱移根  
拂雲姿作伴滿月相客來與周旋一洗眼中障烝哉太  
丘徒風味晉人上五言落凡目失喜狂欲恙渭川植千

畝玉井開十丈井吞羅心胸出語還自狀我窮海濱卧  
局促隱霧瘴遠公有佳招子猷得真養風庭散鳧鷺儻  
許共清曠茗盃煩屢移早秫行可釀

次韻仲輔山中之作

崖陰坐清暝目為山光注妙意不可名悠然與心晤疎  
泉石中鳴落葉衣上住冷風起虛籟還向無中去三生  
聽鐘魚偶失來時步佛屋倚秋風團團兩桂樹却疑此  
境中曾是經行處



浮金峯

浮金鎖佳氣不挂凡子目高人有餘清別墅廣新築有  
懷鴻雁行風月伴幽獨還為稻梁謀去傍蒹葭宿歸飛  
會有時分我一窗綠

再用王才元少師韻

十年趁飛蓬來作海邊夢曾無竹馬迎常辦柳車送長  
鬚乞米炊驥子學詩誦自公弭節歸許我執鞭從聽詩  
鬼神泣看劔星辰動歡留文字飲靜憩芡芻供辨疑每

及爭攻短不憚痛搜竒至旁求探蹟或竒中誰知煙霞  
姿肯與塵土共長風起青冥逸思攪空洞豈無酒百船  
可待角三弄不勞行炙人一見散花衆敢違江山招寧  
受兒女諷可但東城佳西池有儀鳳

與德洪明甫伯與暮春六日同登烏石飲於浴  
鵝池琴侍以石上坐忘歸分韻得石字

老懷不知春但愛遠峯碧乘高恣遐觀未快雙目擊稍  
為松根坐遂與參井逼女媧補天餘墜此百煉石摩挲

蒼蘚痕上有鴉浴迹引觴起自斟醖面不容滴舉頭挽  
飛雲頗覺天半窄追隨二三子顧我獨衰白向來舞雩  
春勝踐同今昔偶忘千歲憂共此一笑適

題葉擇甫繡壁軒

閩山固多奇會意一峯足豈徒快登臨政欲伴幽獨丈  
人隱禪關窗戶閉秋綠簷間絕壁起秀色近可掬丹黃  
與白紅楓櫟間花木微雲一過之繡錦初脫軸是翁貧  
不憂朝飯罄儲粟隻雞呼近社笑傲杯中玉酒酣自起

舞身外置榮辱君家大兒手千嶂入縑幅何妨寫顛崖  
老樹傍高屋他年明光歸展翫長在目

孫覲

靜老容安菴

雲噓翠撲膚山擁青入戶祇樹給孤園桃源武陵路一  
從振履還不復乘杯渡倚牆捫虱坐揮絃送鴻去水涵  
樓影交風斂花氣度把茅便有餘不要黃金布

詠雪二首

嶺雲亂擘絮蒼雨收斷線箕神擁前驅萬瓦集微霰玉  
峯忽崔嵬炯若簪出弁衣稜森欲起眼纈醉復眩屬國  
卧餐羶含糊不能噉

喧逐湊六合瀕洞咽犀籟俄驚江海懸坐覺虛空隘包  
藏失地險瀰漫見天大嬋娟自一種巧麗窮百態獨餘  
古柏青正色老不壞

澹巖書堂

松根絡斷崖石脚泣細泉書堂何代有故物尚依然右

丞今摩詰尚友千歲前神交夢仙舟地勝真輞川散策  
塵外躅脫展區中緣杯尊酌花鳥一醉藉草眠

泊湖潭

藹藹竹樹交一潭陰寒青已無鼃黽汙尚有蛟龍腥林  
疎泛月彩濼濼一鏡平我心亦如此炯炯珠夜明意行  
魚共樂坐穩鷗不驚更欲漱我齒不挂功與名

梅僊潭

潭潭雲幕垂樹杪秋磬發飛仙駕青鸞通籍在金闕遙

見切雲冠尚想凌波襪殷勤小梅花獨照黃昏月生綃  
濕香霧翠袖卷煙雪忽然東風惡一夜吹石裂

積翠樓

層稜倚高寒突兀擅空闊江橫碧羅帶山斷青玉玦湛  
湛清不搖霏霏翠如潑松溪奮蒼鬣苔石換綠髮陰森  
揉肌粟箒絢亂眼纈凭欄送落景一鳥煙中沒

甘陂莊院

張公卧江海戢羽如鵬蹲平生廊廟具投老三冢邨一

壑身所寄萬里心自存買花紅間坐種竹青滿門似聞  
橘生奴漸見桐有孫提壺時見餉一笑空壘尊

章席祖巢雲閣一首

翳翳林影交小閣俯江郊千崖障錦繡萬壑鳴絃匏條  
然一枝筇寄此三重茅久知風可御更取雲為巢抱石  
舒翠縷秀色纔可睹霏霏擘春絮歛見白鶴舞凝矚一  
瞬間忽展垂天羽起從潭中龍去作山下雨

湖汭上冢繫舟丁山田舍小憩



清谿三百曲一片春風綠茅屋有人家窈窕閔深竹老  
去耽田里寓目快新矚風漪卷翠綃雲巘鏤蒼玉尋盟  
喚白鷗解佩贖黃犢獨嘯無一人傳聲滿空谷

雪夜宿致思菴一首

霏霏竹間雨練練松上雪誰遺碧玉壺化作白銀闕孤  
懷愜幽欣一笑暖栗冽寒光注老眼謂是山吐月耿耿  
清不眠夜半聽竹折

虎丘沼老豫章詩僧也與余相遇於楓橋方丈

誦所作徐獻之侍郎生日詩有東湖孺子南極  
老人之句余愛其工賦小詩寄贈

落景下層城遙烟起孤戍繫舟著漁磯曳杖扣僧戶忽  
逢丹霞侶自誦碧雲句噌吰應黃鐘清絕追白苧不落  
江西派肯學邯鄲步冥搜自天得妙中有神助夤緣半  
日留邂逅一笑遇詎復管中窺看沐南山霧

周紫芝

壬午秋日觀橋刈穫五首

時年二十一  
錄二首

清晨起盥櫛卷箔坐南軒紅日忽滿樹飛鳥相喧翻農  
夫告鉅艾導我之前邛露晞芒屨滑地僻秋蕪繁行行  
不逾里委蛇到其門父老喜客至為黍烹雞豚勸我當  
力穡醉中多好言低頭謝父老我志久已存歸來三歎  
息默誦歸田園

人言秋日短無事日更長籬落既補治稼穡已滌場薄  
暮有微興悠然步東岡東岡棗與梨累累半青黃幽菊  
雖未吐已含風露香風物良可喜客來有杯觴但使常

如此貧賤亦何傷

游麻姑觀

宣武有麻姑山山中有觀

清秋禾黍罷南畝幽事少凌晨有佳興振策事輕矯微  
蹤躡飛猱雄眺高木杪上有仙子祠棟宇頗傾撓騰虛  
想雲輶遺像空鳥爪黃冠三四輩生意良草草更欲問  
丹爐雲山遂幽討道人笑不言此意未遽曉但云須趣  
轅山靜虎出早勝踐良獨難仙事亦杳眇了知世俗人  
塵凡隔蓬島

晚遊戒珠寺寺王逸少舊宅寺僧秉燭觀王右  
軍畫像出訪鵝墨二池歸已三更

悠悠倦徂征忽忽厭羈旅出門復風埃況乃迫繁暑茲  
遊愜初心突兀見精宇高人昔所廬樹木亦竒古微風  
入冠裳林影散廊廡僧窗靜無塵燈火照眉宇閱此坦  
腹姿鬚髮稀可數樂死固不虛顏色如處女平池渺清  
深淅瀝過新雨誰言臨池工至技本天與鵝羣久已空  
團扇復何許興盡且當歸夜半月方吐

歸雲洞

南華老明師遺像頗清古昔為挂空月今作歸雲土雲  
來初無心雲去定何處空餘暗竇泉翠盞含白乳華堂  
誰復支缺甃久未補林深自成風山潤疑欲雨窮幽眼  
未饜曳杖足已苦入山無與迎出山信誰阻有客自去  
來山僧無一語

瓊師蒼筤軒

絕境眇天末招提入雲端汪灣一溪水似與山屈盤僧

房各上下處處聞驚湍道人更幽獨開窗對檀欒細雨  
洗輕碧微風生暮寒雪梢自裊裊玉佩時珊珊繫我絕  
韻友久結無情歡相逢如故人棄置良獨難婆娑弄清  
影夕陽殊未殘何當分清陰與子同考槃

過石壁

兩峯夾天高一水繞山麓鳥道盤山腰下臨千仞谷仰  
視寸草青千章羅巨木轉峽瀉哀湍驚雷裂坤軸日月  
所隱庇光景不到目道險當捨車重趼摩兩足不知誰

鑿空穿穴入山腹平生蜀道難耳目聞見熟茲山亦尤  
物初未挂史牘了知天宇間萬險自重復窮人重錙銖  
凌冒取危辱歲晏霜雪多歸途戒當速

雲林堂

高情惡喧囂結屋傍空曠草堂寄雲林遠目聊自放偃  
蹇良不疑世俗真可抗不知堂中人誰同倚藤杖

藤洞

雲山眇無何地勝餘草木蒼藤飽風霜天矯作巖谷幽



香出空洞清樾交翠麓想時攜客來班荆對棋局

學圃亭

疏泉灌空畦折柳樊小圃關心有幽事寄意在衡宇但  
恐經綸人茲焉忽高舉慎勿厭荷鋤烟蓑濕春雨

羣山臺暮雨

傑觀凌寒江朱欄俯平野羣峯江上來屹立羅萬馬山  
容多態度顯晦入暮寫朝雲結煙鬟翠色遠相射夜月  
橫修蛾娟娟亦閒雅天生此尤物政復為閒者馮夷翻

怒濤汹汹激風榭神女亦將雲時從楚臺下造物出奇  
崛娛客助揮灑時方苦積潦百里無十舍我雖非官曹  
對酒那忍把人生急行樂有味如啖蔗悲喜有乘除歸  
愁耿長夜

望黃山

宿雲忽解剝曉色明朝暎高秋寓遠目萬象秋毫分羣  
峯雜還來突騎縱橫奔驂騶獨驥首迴出凡馬羣高高  
實維嶽羅列如兒孫玉京與金闕亭亭在雲巒羣仙驂

蒼虬冠珮朝至尊往者風露夕妙奏聞清圓名理以絃  
歌異事父老傳丹成已仙去流脉在山根至今茲山下  
幽泉湛餘温安得從浴沂聊以濯我冠一沐去塵土再  
沐生羽翰朝遊參安期暮躅追羨門振足八荒外垂手  
青雲端

次韻鄭使君白菊

平生鄭康成不種花嬋娟但聞書帶草羅生滿堂前佳  
菊若解事殷勤為公妍紅油護霜日一笑真嫣然秋風

轉寒枝束素爭回旋團欒立芳砌皎若碧月圓使君頗  
牧手年來出臨邊燕行自折衝賓從時招延苦愛白玉  
姿臨風嗅芳鮮揚州東閣梅自此誰復憐安得白雪詞

寫入朱絲絃淵明眼獨醒載酒知誰先騷人如精蘂

精蘂

謂葡語  
在楚詞

世塵聊自蠲幽姿條已空二士窮益堅人生五

馬貴行樂須何年絕勝杜陵老江花惱成顛才名與富  
貴似公真兩全新詩如脫彈一出萬口傳鋒車行復來  
琬琰殊未鐫且當對香雪燕寢凝沈煎

旅夕

秋雲翳長空微雨餞殘暑新涼入郊墟中田熟禾黍秋  
蟲自知時入我牀下語西風幾何時秋意遽如許曉色  
催鳴雞孤砧急寒杵遊子未得歸留滯在江浦生理思  
田園饑寒念兒女持此兩鬢霜世路復焉取起視夜何  
其江月方欲吐便當隨孤鴻雲霄肅雙羽

憫紅椒樹子作

東籬委榛菅狼籍紛瑣碎披藂得紅椒磊落本誰藝蓬

窠頗自矜枝葉相掩翳日月空復明雨露不需施結根  
一失所埋沒苦憔悴移栽俯西軒吾乃借一臂要令遠  
條且密葉敷晚翠秋霜染丹砂紅實相點綴馨香發潛  
德錯節振淹滯人生良可惜會遇亦難值生理儻復存  
餘恨當棄置

題徐伯遠渚堂

徐侯嘗登瀛結屋在幽渚於焉究心跡無乃異出處西  
風肅高秋黃鵠時一舉自謂可過之丘壑出肺腑俗眼

殊未高此意吾竊取長卿少倦遊征衫浣塵土盍陪漉  
酒翁共作斜川語魚鳥雜冠巾蒲蓮暗樽俎江湖滿天  
地置身豈無所黃帽與青鞋造化久見許平生釣餌興  
臨老尚齟齬茲懷固泯默感激聊自吐安得載笭箬孤  
篷聽秋雨

舟過道場山下將往遊舟師告以雪塗不可行  
而止

風蒲飽朝航霽色急新漲雲山繞平湖水墨澹屏障夷

猶柈初回突兀山入望何妨傾寸眸便足了千嶂想像  
鐘磬音隱約霄漢上我欲一往遊遐瞻茲可暢暮雪猶  
在塗遺事不得訪人生蠟屐緣一世能幾兩登山追勝  
遊脚力須少壯重來定何時吾策今可杖老願復爾違  
撫事一惆悵

西湖山下梅花塢行可里許至陳御史園亭

倦客厭卑棲白日坐飄忽呼我同舍郎緩策扶勃窣緣  
山得人家附影蔽深樾湖水一鏡明梅花千樹發扶疎



弄清影髣髴見羅襪淒迷香霧中身已在月窟窮探意  
未已取徑無詰屈誰家歌舞園花亂竹復密御史投紱  
餘課豎種梨栗吾曹不解事尚此學操瑟當從漢陰人  
抱甕日搨搨

鹿苑假寐

挂席月未落輟棹日將午亟尋墟里煙盡閱菱芡浦烈  
日方在舟騰雲未成雨瀕河得風巖佛飯過齋鼓龕燈  
明廣殿妙炷燒殘縷窈窕幾僧窗款欠無一語我來兀

晝夢得句瘖不吐歌中倒烏紗墮扇橫白羽涼襟亦已  
披歸杖當復拄為君邀扁舟夜雨軋鳴櫓

十日不至湖上

我始跨匹馬蹭蹬來東吳東吳亦何有政復為西湖西  
湖如靜女婉然真彼姝湘娥結煙鬟水鏡涵空虛晴光  
固不惡雨態亦自殊窈窕一僧窗煙雲媚朝晡上下數  
白鳥飛翻與人娛只今雨鳴葉便作波跳珠寒窗挂薜  
蘿身疑在菰蒲咫尺不得往況乃千里餘始來梅欲花


旋復春雲徂幸茲得少留駐我西征車尚可具小舟紅  
妝醉芙蓉

御選宋詩卷十六

謹案卷十五第二十七頁前四行庭後猶榛蕪刊  
本榛訛恭據鄒浩道鄉集改

卷十六第十三頁前二行象緯逼參井刊本緯訛  
幃今改





總校官庶吉士臣侍朝

校對官檢討臣蕭九成

騰錄舉人臣李駟

欽定四庫全書薈要

集部

御選宋詩卷十七

八



詳校官原任主事臣李斯咏

欽定四庫全書薈要卷一萬八千三百二十四

集部

御選宋詩卷十七

五言古詩八

王庭珪

寄胡邦衡兼簡陳簽判黃書記

斯文久寂寞誰應擅雕龍  
萬事問伯始今復得此公  
濤瀾翻筆舌錦繡蟠心胸  
平時吐佳句逸氣如長虹  
制策收俊異行當推選鋒  
元龍湖海士江夏無雙童  
詞彩俱





秀出春葩發青紅鏗鏘排律呂純音玉琤琮草木吾臭味坐隔神螺峰遙聞出荆產長松想清風安得賈餘勇提戈譟其中且願試音響徑須撞巨鐘

寓郡齋過清閔軒與高虞卿夜話

戶牖鄰清閔深夜客扣關開門見修竹人與竹俱閒雨竹窗外響風從屋頭還羨君屏百事讀書蒼翠間刺口談治亂筆挾風霜寒更覽珠玉文洗我冰雪顏歸來興未盡危坐聽珊珊

秋夜西園獨步

清夜遊西園竹影亂秋月穹色湛虛明林光益竒絕人  
閒睡正著那知此時節坐觀衡陽移領略風煙別沆瀣  
洗天宇一飲醒毛髮氣與南山高青蒼助施設池塘收  
綠淨星斗轉空闊微雲點太清須臾亦自滅明朝問此  
境勝處不可說却恐雞三號開門走車轍

題禾山蕭秀才卧雲菴

江南山盡頭氣狀頗英淑禾山倚天開蒼翠滿林麓扶

輿磅礴起橫斷湘江曲中有隱君子結屋在深谷未放  
雲出山蟠雲卧幽獨暮簷青潑眼遠靄寒山竹景色嘉  
有餘幽人夢初熟起看柱礎潤山前雨應足

題洪覺範方丈

曲徑通禪房闢戶得佳境適從闌闌至頓覺耳根靜古  
木含蕭森寒梢發光景牆圍數竿竹中藏大千境月從  
天上來入林散清影爐焚薰佛香盃注浮雪茗客散羣  
動息茲焉發深省

遊貢遊洞

竄身楚西極幽竒頗窮歷况此古道旁橫天竦蒼壁何  
年始開鑿工如鬼鑿刻飛空數百丈突出清鯨額那知  
風雨時雲雷升窟宅事跡墮渺茫探討失圖籍豈無高  
世士於此煉金液不能久徘徊上馬空歎息

江亭候施倅醇翁阻水漲作詩寄之

夜雨漲溪碧天明望歸舟飛帆出木杪浩蕩兀中流洪  
崖仙人姿謂落滄海遊興盡却回棹待此霖潦收抱琴

出竹迎倒披翠雲  
裘風濤正可久  
煙波生暮愁

呂本中

同諸子遊城東園

昔聞城東園欲往  
常不款今來天氣佳  
茶甌起衰嬾杖  
藜出門去如膜  
開病眼木葉犯新霜  
瓜田帶餘暖  
川源疑有無  
風雲遞舒卷  
不期魚鳥會  
偶逐鷗鷺遠  
淺水亂菰蒲  
荒亭芊苔蘚  
青山近在望  
更悟秋意晚  
同行二三子  
詩語各蕭散  
不愁罰觴難  
苦恨白日短  
千秋高陽池

令人憶山簡

雨後月夜懷沈宗師承務

雨雲攬江色，偃蹇破昏睡。  
千花閉紅紫，妙見一室內。  
披衣行夜永，明月在船背。  
微風過蕭瑟，古柳立蒼翠。  
脩然一蒲團，堅坐覓詩對。  
我生無南北，所到意趣遂。  
孰知十年遊，保此清淨退。  
頗念城北人，結友老松檜。  
漫隨長鋏歸，甘作短檠棄。  
出門萬里塗，已駕安得稅。  
何當持被來，把酒相就醉。

宿楚丘懷石子植顏平仲趙才仲

暮行楚丘北適與寒雨會旅舍一尺泥又乏芻秣費故人渺天涯客子初夜至披衣附殘火煮茗當晚饋昏昏傍孤枕悄悄入清睡向來談笑聲已若異世事但覺舌本間尚有宿酒味鴻鵠乘秋風意在網羅外強飯無多談此語敢失墜

春風

春風隨長江一日行萬里蕭條起岷山歛忽度揚子江

南千酒樓春風樓上頭金樽開翠幄青帘吹客愁長隄  
二月暖寒溪千古流紛紛桃李花處處作芳華不見梁  
間燕空悲王謝家

洞庭

嘗聞洞庭湖秋至清皎潔往來八百里長風駕明月中  
有仙人居容顏若冰雪我願從之遊問渠傳寶訣脫冠  
卷霞佩長與塵世別

河隄



平田接長河眼界起突兀今日並堤行麥隴青已出客  
行不知晚但感此節物新霜被西山久厭塵土沒坐懷  
故人面於此見鬢髯

離洪州渡西江至翠微寺紫清宮

平明渡西江西山正崔嵬中流欲浪作細雨隨風回促  
櫂赴前浦頗為風雨催寒沙引細路人家山半隈密雲  
蔭修竹久旱無莓苔晚入翠微寺諸峰環抱來其西洪  
崖居百代所仰懷何年蛟龍怒更擊深山開懸瀑瀉洪

井噴噫藏風雷客行少休息暫此得徘徊城中二三老  
咫尺不得陪豈無凌風翰邀致山中臺澗水清且寒可  
以當餘杯獨來不敢久恐為神物猜

送尹少稷賢良還懷玉山

青松在庭檻乃受衆目憐念彼歲寒枝肯爭桃李妍不  
如卧澗壑歲久霜雪前尹侯東州英炯若珠在澗避地  
走南荒因循留瘴煙歸來懷玉山草草屋數椽深居絕  
萬慮讀書欲忘年偶出到城市頗厭塵囂煎搜腸出妙

語贈我以長篇行潦被注挹朽木煩雕鑿紛紛車馬間  
孰能知子賢別歸值短晷肯復更留連我來百事廢鈍  
馬難加鞭清霜粲屋瓦白雲常在天悵望子所居欲去  
無黃緣

陳與義

汝州吳學士觀我齋分韻得真字

狂夫縛軒冕自許稷契身靜者樂山林謂是羲皇人不  
如兩忘快內保一色醇偉哉道山傑滯此汝水濱大來

會閣步小憩得幽欣一齋有琴酒萬事無緇磷不作子  
公書肯受元規塵人言君侯癡我知丈人真月明泉聲  
細雨過竹色新是間有真我宴坐方申申

寄題兗州孫大夫絕塵亭二首

不讀遠遊賦放懷茲地宜雲山繞窗戶萬態爭紛披世  
故日已遠風水方逶迤倚杖夜來雨東山煙散遲人間  
許長史不與此心期

境空納浩蕩日暮生沈寥竹聲池邊起欲斷還蕭蕭丈

人方微吟萬象各動搖林間光景異月出東山椒門前  
誰剝啄已逝不須邀

夏夜

幽窗報夕霽微月在屋椽手中白羽扇共此夜寥寥六  
月天正碧三更樹微搖緬懷山中景茲夕感路遙長嘯  
送行雲可望不可招夜闌林光發白露濡青條

夜步堤上

旋買青芒鞋去踏沙頭月爭教冠蓋地著此影突兀樹

寒棲鳥動風轉孤管發月色夜夜佳人生事如髮夢中  
續清遊濃露濕銀闕

休日早起

矐矐窗影來稍稍禽聲集開門知有雨老樹半身濕劇  
讀了無味遠遊非所急蒲團着身寬安取萬戶邑開鏡  
白雲度捲簾秋光入飽受今日閒明朝復羈縶

八關僧房遇雨

脫履坐明窗偶至情更適池上風忽來斜雨滿高壁深

松含歲暮幽鳥立晝寂世故方未闌焚香破今夕

題宗山

短篷如鳥鷺載我萬斛愁試登上亭却望沙際舟世  
故莽相急長江去悠悠西南浸山影晦明中流蕩漾  
寶鑑面翠髻千螺浮去程雖云阻茲地固堪留客路惜  
勝日臨風搔白頭衆色忽已晚川光抱巖幽三老呼不  
置我興方未收下山事復多題詩記曾遊

遊東巖

散策東巖路夢中曾記經斜暉射殘雪崖谷遍晶瑩  
鳴山寂寂意迴川冥冥乘興欲窮討會心還小停新晴  
遠邨白薄暮羣峰青危途通仙境勝日行畫屏豈獨淨  
一念將期朝百靈不同南澗詠悲慨滿中扃

暝色

殘輝度平野列岫圍青春柴門一枝筇日暮棲心神  
暝色著川嶺高低鬱輪囷水光忽到樹山勢欲傍人萬  
化元相尋幽子意自新蕭蕭夜將久空明動邊垠田鶴  
吟



相應我獨無荒隣短篇不可就所寄聊一伸

西軒

平生江海志歲暮僧廬中  
虛齋時獨步遡此西窗風  
初夏氣未變幽居念方冲  
三日無客來門外生蒿蓬  
輕陰映夕幌窈窕拼花紅  
未知古來士誰與此心同

秋月

裨暑推不去快風喜來過  
西榮遲明月與子聊婆娑  
初如金盆湧稍若玉鑑磨  
亭亭華魄豔豔舒凍波  
夜氣

清入骨奈此光景何一杯幸相屬安能廢吟哦  
纖阿無停輪衰鬢颯已多及時會行樂無惜醉顏酡

沈與求

汎舟邨落阻風不能少進而菱梢芡觜繚舷上  
下篙人病之

艇子掠岸行水瘦不濡尾狂飈振疎篷獵獵鳴兩耳  
十篙八九褪逆勢何乃爾野芡伺我間回梢哆利觜亦有  
芡浮角一一肆輕鄙初欲事幽尋解纜出疎葦乘流覓

清淺濯纓助深喜事有大不然移頃未離咫安得望蓬萊  
菜巨艦破潮起征帆駕長風一日三萬里

夜坐感事

沉沉夜氣歸虛堂閉深寂孤燈爇餘花寒雷韻殘滴醞  
釀萬斛愁感慨一人敵何當棄短檠陰山叱鳴鏑

夜書山驛

天寒夜向闌月出山更靜風露搖青空萬象光耿耿啼  
蜩泣幽草賓鴻度前嶺歸來坐孤窗松竹舞清影

程俱

雜興

濯濯簷下溜刁刁樹間鳴蟲號百鳥鬧小大各有聲聲  
多不留礙響振元無形何殊百千炬光影各自明

戎葵向晨照日引一尺長松栽四五年擢幹未出牆溥  
溥露方晞借此顏色芳各留一寸心試待九月霜

春鳩一何拙社燕一何巧天陰逐其婦飲啄聊自了銜  
泥亦綢繆託此華屐好物生固有分巧拙均一飽

穆穆新藁結補此茅屋漏問云力田人歲事苦耘耨終  
年手足胼得此以自覆香秔一過眼糠覈餘滿竇

過劉姓園居

負郭二頃稻並田五畝園人生如此足安用華其軒親  
戚居南陌交遊在東邨有酒輒共醉傾輸見情言三徑  
雜桃李九畦蒔蘭蓀黃柑百頭奴碧梧萬枝孫山供景  
無盡石映溪不渾桑麻中饋任布刈鄰翁論下以活妻  
孥上以奉清溫時從赤松子亦訪吳市門嗟我抱此志

十年若朝昏家山渺天末松菊豈復存茲園臨官道坐  
笑車馬奔前山復場圃疏築隨坳墩我來適春穠亂眼  
紅青紛恍然動鄉思夢寄東飛雲

山中對酒

秋容澹青山爽秀雨皆足清溪照千仞空翠疑可掬何  
年顧兔窟桂子墮山腹老香散深林屑玉綴黃粟朝來  
客衣動一葉下空谷客心如棼絲日月共煩促胸中尚  
壘塊陶寫賴新淥要當酒千鍾澆我愁萬斛顧有獨醒

金方口人卷二十七  
卷十七  
人脩然倚枯木

送崔閑歸廬山

琅琊山中水韻入三尺桐琅然醉翁操發自玉澗翁流  
泉不成音寫寄十二宮醉翁不可見妙語聊形容嘗聞  
三峽泉上與天漢通請君記餘響相彼玉珮風此聲倘  
可繼那復有此公

吾友胡少汲結廬皖公城灑山有小隱背負紫翠屏前  
臨一溪水可以濯我纓欲分青山半留我谷口耕信美

非吾鄉翩然遂宵征聞君草堂處亦復占地靈虛簷倚  
蒼崖下有玉澗鳴樂哉不可到因君懷友生

遊善權寺

故舟荆溪上溪水清且徐雲中離墨山慘淡初有無捨  
舟並松麓下直浮屠居竭來東軒上爽氣已有餘飛來  
定何年無乃與此俱奔流漱庭下比竹梁寒渠山深絕  
凡境物物清以臞蕭森倚巖秀夭矯懸崖枯幽禽發寒  
唳響振高林疎我行亦良苦却步計已迂解衣臥清晝



慰我千里劬

子自衢來姑蘇省女兄竟欲歸却行二百七十里訪江仲嘉於宜興故有却步之句

善權洞

嘗聞包山境中有林屋天旁通號地脈嶽瀆潛鈎連茲  
山豈其類頡洞皆中穿二巖岌山足瑒淙激奔泉牛羊  
走大石吐受無窮年金堂下石液雪積如烹煎從來米  
鹽稱浪播俚俗傳一洞啟山腹穹窿亦聯絲誰題九斗  
字大篆仍深鑄中藏丈五石屹若龍騰淵回頭問主人  
我輩定不凡云何逐官牒常得我所耽向來共幽討九

鎖藏芝巖而我自林屋翩然游皖瀟洪崖倘可俯不在  
南山南

張公洞

昔年京江夜飛夢投雲山仍追謫仙老嘯咏層崖巔左  
盼俯無地蒼巖生紫煙當時賦幽賞妙境竟莫宣今我  
來自東扶橈漾荆川飽聞張公洞怪絕駭所傳聊從二  
三子一結青山緣北靈敞竒觀下矚壺中天恍然驚昨  
夢了了墮我前仄徑繚危棧重局護靈淵竒礪玄坂倚

側洞時鈎穿初疑天台聚納此一室間夸娥運神化不  
隘亦不顛又疑清都客翩然下雲輶幢旒儼行立導從  
森蟬聯丹梯香霧濕玉室珠璣懸撐虛一柱屹戴重三  
能騫鉛竈久已冷青驪那可鞭香壇望八景東晨開五  
便坡陀忽度險宛轉漫無邊或深如列屨或迤纒容肩  
高躋乍捫頂偶步欲墊泉不知行遠近一步目九遷噫  
嘻此天設端在太古先恨無少陵手寫之黃絹篇聊書  
夢中夢投筆一粲然

豁然閣

雲霞墮西山飛帆拂天境誰開一窗明納此千頃靜寒  
蟾發澹白一雨破孤迥時邀竹林交或盡剡溪興扁舟  
還北城隱隱聞鐘磬

十月五日集李野家歸作

賢愚孰無營急景信可惜如何闔廬城乃有此閒客懷  
安豈初志運甍有餘力相從無何鄉邂逅一日適虛窗  
得朝陽寒凜作春色琴書羅斐几一一淨如拭畫沙見

竒蹤落屑非近識似追永和還未覺正始隔崢嶸衡霍  
圃莽蒼雲夢澤時華互低昂幽鳥共深寂誰驅此變幻  
戲納方丈域慚公罄春釀澆我憂思積豈無車公語顧  
匪伯仁匹長檠蠟華推起視霜月白酣歌美清夜擁髻  
侍通德參差吐幽妍鑿落豔芳碧觥籌不留行為問此  
何夕言歸謝主人五斗安可極

過毛達可友給事覽壁間舊詩次韻

黃華非不佳寒淡每見少蕭蕭亦無言懷抱不自曉深

嫌小桃天欲伴霜松  
矯窺叢慰寂寞時有南飛鳥主人  
眞賞竒灌植勤便了徘徊傍東籬  
高興在塵表坐有白頭生臨風百  
憂繞

秋雨

細字忽難讀松窗失朝暉  
開簾視天宇屯雲凝如鷲  
霏微乍噴灑翕忽看淋漓  
斯須建百川中庭即方池  
秋雷亦動地勢洶萬鼓  
聲虛簷忽無聲蒼狗變  
白衣飄搖露穹碧涼飆  
洗蒸炊雨師眞解事作  
止適所宜

卜築西塢

和柳子厚  
南澗中題

出處初漫浪淹留失佳時時英盡珠璞寧復見誰差一  
去四十年伏櫪久已疲幸此歲將暮穿雲弄清漪窈窕  
煙塢中蒼陰晝森垂茲焉寄茅屋橫仄任所宜谷口翳  
杉竹柴門畏人知誰言一丘壑倘與汗漫期

陳淵

春雪

陰風度嚴切密雪紛如霧虛窗覺逾明臘紙黏飛絮文

書不挂眼對榻聊箕踞春愁暗乘人  
怱怱出非慮門前亦有酒官禁不可  
酤永懷傲江湖何當脫羈馱

令德送余都門外眷眷惜別余恨不  
歛作詩寄之

行人不忍別遇酒輒醉倒僕夫怪何  
遲謬應行亦好憐君如弟兄每見開  
懷抱天涯重分攜祖席都門道城頭  
傾落日酒盡迹還埽留連意雖勤晤  
語終草草君如汗血駒千里未脫阜  
我若隨波魚圉圉依寒藻去住各有



謀聚散初不保惟餘一寸心耿耿遲君老

自入襄城即有山水之興路中稍有賡唱因呈  
道

風沙久迷神山水忽照眼鱗鱗碧玉秋疊疊青螺縮人  
煙盛樂土草樹亦精產雲霞入杳冥禽鳥度杯醞放情  
千里迴悟意一笑莞胸襟得竒趣酬唱出新撰蟲魚怯  
嘲誚文史困鳩僂我詩寔易成淡薄非佳饌君辭頗簡  
出嚴絕類燒棧自應即退縮強爾取驚報微言固可錄

狂論猶未刻勿使俗人知歸途畏書簡

和向和卿嘗茶

俗子醉紅裙羶葷敗人意花蕊烹月團此樂天不畀諸  
公各英姿淡薄得真味聊為下季隱不替江湖思輕雲  
落杯醎飛雪灑腸胃笑談出冰玉毫末視鼎貴我作月  
旦評全勝家置喙傳聞茶後詩便得古人配誰能三百  
餅一洗玉川睡御風歸蓬萊高論驚兒輩

小軒觀月呈興宗叔

茅檐手可攀修竹出簷上寒蟾漏疎明碎影羅屏障情  
知月色好達覽在虛曠東家富池臺端居不能訪山林  
足寓目細大初無相但使人心安景物自清暢霜風中  
夜作曲沼金翻浪禽鳥斷飛鳴杉松起酬唱燎爐宿殘  
火尚可溫新釀數杯遣沉冥萬慮一時放誰能外形骸  
於世無所仰晤對一亭間頽然齊得喪

東家謂佚  
老堂也

小軒閒題

舍南舍北梅牆裏牆外竹迤然寄其間不見一物俗東

風將小雨夜漲春池綠  
俯檻數龜魚仰簷送鴻鵠  
交情石投水坐客冰照玉  
從容得此生已矣萬事足  
誰言南軒小正可陋華屋  
但恐世故櫻不容長處獨

過淮

天高秋月涼風定秋水清  
扁舟淮海間愛此一葉輕  
微生久羈旅艱險已飽更  
經今幾往來始見波浪平  
篙師且停櫂莫遣魚龍驚  
吾行欲安之要待東方明

越州道中雜詩十三首

錄一首

浮雲作秋陰細雨如朝霧放形山水間意適無艱步忽  
遇古招提空翠森回互倚杖聽泉鳴悠然不能去

天姥  
寺

朱弁

北人以松皮為菜予初不知味虞侍郎分餉一  
小把因飯素授廚人與園蔬雜進珍美可喜因  
作一詩

吾老似出家晚悟愧根鈍滋旨却羶葷憚悅要親近偉  
哉十八公茲道亦精進舍身奉刀几割體絕嗔恨鱗皴

老龍皮鳴齒溢芳潤流膏為伏龜千歲未須問便堪奴  
筍蕨詎肯友芝菌跣趺得一飽萬事皆可擯侍郎文懿  
後落落衆推俊淡然世味薄內典得所信香廚留淨供  
頻食不言頓晏然默不語草木雷音震得發於此公骨  
髓傳心印應憐持節人餉此為問訊欲將無上味為我  
洗塵全食之不敢餘感激在方寸

龍福寺煮東坡羹戲作

山寺解塵鞅溪邊有微行手摘諸葛菜自煮東坡羹雖

無錦繡腸亦飽風露清鈎簾坐捫腹落日千峰明

秋夜

秋夜雖漸永未抵客愁長秋月雖已圓不照寸心方將  
心貯此愁真作萬斛量為月憐此夜誰共千里光空令  
還家夢欲趁征鴻翔

曹勛

賦洪景伯分繡閣

赤城今屏翰瀕濕浙右同不有仙人居梅溽難從容洪

仙下瀛州一笑除蒿蓬創閣俯江海重簷煥雲空排衙  
碧璘珣煙霞透玲瓏遙岑與絕壁但覺開青紅愛之榜  
佳名坐見羣山工萬疊烘曉日六幕泛景風時時與賓  
僚醉酌黃金鍾誰凭十二闌更賦煙雨中

和仲遠新池

公有靜中趣鑿山俯清深秋風夜雨過飽聞泉石音雲  
岫冷蒼翠游萍紛浮沉心賞殊不已悠然付微吟

春晴野步



春風搖天宇散策喜徐步樂與二三子綠草池塘路鳩  
鳴桑柘春川闊牛羊暮眷言益妍煖更約窮逸趣

將至嚴州丘平仲忽舟中見過

念字別我久我心嘗冲冲豈意蘭溪船忽作瀟湘逢一  
笑出意表相對如夢中子有親庭樂我無塵事寵願言  
雲水信時寄菰蒲風

次南安務前水亭趙介叔韻

茲亭楚風煙晴嵐獻斜疊我來及秋杪黃花舞紅葉主

人喜新論曠覽意並愜明年西郊春會當來日涉

登逍遙閣

廬山

松杉閔琳宮仙君朝帝所神風故靜默人間漫今古地  
靈驅鳥雀磬聲肅壇宇倚檻夕陽間雲山認歸路

擬古

君有西州役金爐斷夕香虛窗伴幽獨惟有明月光帳  
深清露寒繡冷雙鴛鴦明發持似君知妾心淒涼

中秋前一日邀賀子忱為對月之歎乃審故意

山林扁舟東去引企不已偶得小詩

積陰埽秋風吹作今夕月山岳四高寒天地一澄澈幽人渺何許應喜清暉發一樽不同樂孤光共愁絕

山居雜詩

卜居得幽勝景物無外沉峰巒環郭郭松竹排園林時時破寂寥脩脩賴鳴禽於焉自有得天籟皆餘音

晚家台山下雲水同一鄉人事講鄰曲雞黍期相當秋風起木杪涼風吹衣裳東家喜見招社甕開新嘗

蓋屋不在華所欲底風雨種花品無繁四時看開處指  
喻多非約日涉乃成趣吾年能幾日景物亦漫與  
萬花烘天容粉色騰雲氣花雲覆臺榭疑若天亦醉杯  
盤多歡賞供帳亦明麗遊人侵宵歸風雨恐踵至

蓬華久不居乍歸欣故情落葉聚蛛網殘莎鬧蛩聲迹  
與朝市遠夢隨風月清從此眠食間蕭散安餘生  
邨落闢幽居深靜頗得趣白雲棲蒼棟嵐光照窗戶往  
還得隱逸談笑皆舊故不畏歸路遙家家響機杼

北風號枯桑濃寒堅夜凍關河鳥過少雪意曉來重陌  
上未霑塵山中已成壠雖離南去雁袖手徒目送

前巖有蘭若委徑宜細履未能學宰堵屢復涉清泚路  
紆疲脚力僧老識茶味策杖趁棲鴉斜陽在林際

侵晨盥櫛起爽氣隨涼颿曳杖踏露草不覺路已遙水  
清出沙嘴煙白橫山腰致爽列羣岫不待西山招

手種亭下松偃蓋出雲外攀條喜修幹為我發清吹曉  
庭風瑟縮夜月金鎖碎種久方來歸對之顏有愧

晨粥山中行落葉響步武委曲訪隱逸清談銷百慮老  
湯淪苦茗宿火煨山芋却照夕陽歸家人不知處  
雲山環所臨煙景日日異山作故人接雲為得侶計酒  
酣一聲笛梅風四山起清香賸披拂參橫伴邨醉

晨起冒清露筍輿出城闌原野回舊色花柳搖新春眷  
言山林性常與魚鳥鄰怡然適襟抱自謂羲皇民

我本汝潁士老隱天台山一瓢顧麤足三謁無厚顏身  
與樵牧遠居眇林壑間不為事物役常對風日間

稍稍岸上柳粼粼岸下波晴雲幕遠岫東風扇微和去  
冬有耕植連春無干戈田畯知此意種秫應更多

幽居歲屢換豪舉欲誰作閒情寡賦詠舊句漫筆削草  
茅晦小隱筍蕨供大嚼不時有佳處悠然動春酌

下邑常寂寞細履寒溪頭魚蝦腥斷岸橘柚明晚秋山  
色儼晴碧溪光泛澄流相思故人遠應過回雁洲

雲山貯回腸日月任轉轂客居不問鄉一飽寧較粟家  
釀報浮蟻浮鱗買尺玉以充朝暮槃懷抱無乃足

素懷繞列岫乃家台山麓人境兩俱絕事物濟所欲芳  
醪徹瓊白茗飲淪溪綠對客調玉軫清風入梧竹

小圃養春色乘時不可緩翌鋤常于于成趣須旦旦花  
摘去年種喜供一時翫舉杯付歌兒野服更蕭散

澤國經炎夏常厭日晷永既乏枕簟涼亦欠冰雲冷北  
窗但倦臥閒人遠造請時濯醒心泉柳下汲深井

城居得高勝欄檻俯闌闔斂跡紅塵中游目雉堞外湖  
光浸晴碧若與雲水會漁舟何處來幾點忽隱晦



朱松

曉過吳縣

舟行有嚴程越國常曉發雙櫓兀殘夢起坐窺落月人  
家岸野水霧雨籠邃闔遙憐瑣窗人欹枕聽嘔軋

信州禪月臺上

玉峰點寥廓霄漢疑可梯玉水環城陰灑灑方拍堤層  
臺擅二美吾策一時攜何當蠟我屐更欲照以犀塵勞  
不相赦竟類窮途迷我生麋鹿爾不羨駕輅驪向來丘

壑懷語發人所詆長安黑頭公玉勒朝金閨山林出戲  
言廣已無端倪誰收遮日手歸把耕雨犁紛紛塵土中  
等是舞甕雞頗聞山水間幽子飯藿藜行當踐此語絕  
境同攀躋

送深師往妙香寺元住雲溪

道人捨幽居誰管溪上雲此身自雲耳遑遐南北分頗  
聞妙香山天花雨繽紛宴坐丈室間歷亂舊衲紋山前  
路悠悠山後水汶汶應觀川途客念我奔走勤豈無香

火緣他年往相羣飽食跛鐺飯稀摘幽澗片當令桃花  
臺白社掩前薰

送建州徐生

人羈天地間誰非一浮萍泛然偶相值便有離合情君  
家武夷下歸路塵眼明我生愛山者夢寐秀色橫秋風  
送客去把手更心傾亦逢山中人為我寄此聲

做淵明

人生本無事况我麋鹿姿一墮世網中永與林壑辭此

行獨何事豈不為寒飢弱歲慕古人頗覺世好卑那知  
齒髮邁終然此心違春風到山澤魚鳥亦知時我行何  
日休流目瞻長岐且用陶翁言一觴聊可揮

用退之韻賦新霽

春泥窘幽步苔上屐痕少新晴一褰衣綠葉藏啼鳥方  
塘澗宿漲古鏡窺清曉華顛忽自笑綵羽墮驚矯瞻言  
雲中耕縹緲穹脊繞歸把東臯犁此念何日了

春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許嗟  
予閉門客佳節過不數不因可人呼那得幽步舉客如  
山陰勝詩作斜川語誰言一尊酒妙處合千古歸來讀  
殘書耿耿霜月苦空餘流落心三歎非吾土

秋懷十首 錄四首

秋風來幾日我髮白已多千林了未覺奈此一葉何宴  
坐閱流光一眇寄庭柯寒蟲獨何者唧唧夜自歌

蒔蘭西窗下蕭艾病其根白露墮秋夕美惡兩不存寂

寂芳畹空離離幽佩昏物各信所遭此意誰與論

月林疎愈明露草淨可拭飛飛螢遞照軋軋蟲自織移  
燈檢書讀千載如經夕微言契夙心妙解久陳迹文章  
事雕琢回視真兒劇世無揚子雲此理誰見直

甘菊臥風雨枯荷暗池塘達人聽禁悴志士費感傷亭  
亭巖桂花已作宮槐黃諒無青霞客誰與媚孤芳

和謝綽中觀瀾亭

方塘灑宿漲曲澗來飛湍光涵蔚藍天瀕洞碧玉寬小

亭塵土外瓦影浮朱欄霜渚寫秋色煙林養漁竿佳人  
秋霞衣皎皎明月冠欲濯且無塵隱几得妙觀海若眩  
河伯等在蝸角端那知坳堂上杯水生濤瀾雲間謝公  
子五字冰雪寒展讀勝圖畫經行記林巒九垓未暇遊  
據殼諒匪安一到定何日卷馬抱長歎

久雨短句呈夢得

身閒書有味吏傲俗不親小窗據物表埽盡心眼塵令  
尹垂珠玉敲門喚行春作意向芳物吾車曾未巾愁陰

入病骨鳩婦聲亦嗔冥冥三日雨桃李迹已陳空餘深  
枝間一一青子新穠芳殿春晚猶堪慰佳辰醑醢曉妝  
靚芍藥醉臉勻日萼簪嫋嫋風卮倒粼粼言當呼短舞  
抵掌回雙鬢年來得相從稍覺安沉淪豈不挂俗事察  
公極清真眼中醉鄉路風味良獨醇流光不容翫尺璧  
何足珍離俗益可厭願言勤問津

三月十日遊報國院小軒頗幽勝為名曰雙清  
仍書此詩



千峰收宿雨坐見空翠滴攜筇出城隅試此腰脚力竹  
陰穿窈窕僧戶扣岑寂小軒清樾底盤礴聊自適闐然  
見幽禽百轉深投隙即此與晤歌絕勝眼前客幽懷層  
冰結扇鬲不可釋忽如散春風回首無處覓天遊失六  
鑿真觀了千息乾坤鼎鼎中指馬坐可一不知雙清老  
何者為心迹持問跣趺人首肯復面壁山煙明欲合歸  
舸兀深碧此心除溪月炯炯誰復識

沙谿口望梨山

衆山如連環平野忽呀口孤峰插深雲氣壓萬培塿區  
區何足傑落落終自負我行清谿曲鶴立倚筇久拂衣  
竟何時塵土坐自垢長梯弄玉井竒字窺岫嶮心知不  
能去照水顏甲厚永懷山中人獨立誰與友神交解此  
意長嘯震林阜

中秋賞月

去年中秋雨野蘆淒薄寒驚塵暗一方客枕那得安起  
呼對牀第攬衣步蹒跚握手仰太息宇宙何時寬今年

中秋月並海窺濤瀾坐看蔚藍天忽湧白玉盤眷言雙  
峰客倚閭念衣單亦復取樽酒承顏有餘歡天涯等宇  
落世路方艱難且遵秉燭語毋為泣河歎停杯翫飛轍  
河漢靜不湍癡兒亦不眠苦覓蟾兔看洲出暗潮落鬢  
衰香霧溥佳句付惠連何時解歸鞍

記草木雜詩七首

錄一首

月桂花

窗前小桂叢著花無曠月月行晦朔周一再開復歇初

如醉肌紅忽作絳裙色誰人相料理耿耿自開落有如  
貧家女信美乏風格春風木芍藥穠豔傾一國芳根雖  
無恙歲晚但枯枿

奉同胡德耀八月十四日夜翫月次韻二首

我夢故山月蘿影垂秋光誰言九衢曉莽莽吹塵黃羣  
公直道山晤語清夜央飛轍轉空閣積暑蘇蒼涼哦詩  
中天律流光惜堂堂雞肥社酒熟吾亦懷吾鄉

亭亭月初高河漢坐可褰病餘久止酒灑氣兩爭先振

衣萬里風歸袖何時翩懷我故山友共此今夕圓離離  
雲飛鴻何意影沉川觀心要知是出處直悠然

巖桂花

開門驚積葉秋氣日以厲獨芳搖落中粲粲巖下桂幽  
芳不自憐怡悵紛滿地未忍蹋殘英何以娛晚歲

中秋夜雨

秋雨定何心忍翳今夕月尚嫌微點綴况迺都漫滅他  
日任氛霾數日望清澈倦投袖子窗行雨聽騷屑對牀

不成夢有酒那能設  
螢飛矜意氣蟲語轉幽咽  
心知層陰表皎皎玉輪潔  
何當凌倒景徙倚翫飛轍

朱槔

雪梅 各一首

去年雪欺客平地一尺深  
謝遣東閣花那顧西牀琴  
故人初不至屋側乃見尋  
悠然振衣起誰復明此心

寒梅臥煙雨山澤有奇氣  
六龍扶翼之月袂攬雲轡  
先生九疑仙心識真筌祕  
裁詩作花骨瘦淨乃可貴

鄭剛中

梅花

玉骨透花寒，冰壺清露滴。暗香驚返魂，移自芝蘭側。殷  
勤置書几，粲粲百態出。徘徊欲與語，奈此雪霜色。高標  
邈難親，欲踈還不得。箇中須有詩，苦覓不到筆。要須明  
月來，託之問姑射。

修修窗前蘆

修修窗前蘆，孤瘦倚青玉。心虛知夜涼，風葉亂相觸。使

我入幽夢如在江湖宿方茲困炎曦愛爾眼中綠奈何  
柔脆姿行犯秋氣肅霏霏霜露中菱荷等摧覆大抵無  
勁節不及歲寒竹

讀坡詩

公詩如春風著物便新好春風常自然初不費雕巧又  
如荆山玉不問多與少傳流落人間皆作希世寶吾獨  
恨造物生我殊不早不得拜堂下朝夕事灑掃追攀邈  
難及清淚出幽抱



書齋夏日

五月困暑濕衆謂如蒸炊惟我坐幽堂心志適所怡開  
窗面西山野水平清池菱荷間蒲葦秀色相因依幽禽  
蔭嘉木水鳥時翻飛文書任討探風靜香如絲此殆有  
至樂難令俗子知

晚邨

暑雨霽餘飛翻溝水鳴玉半規入嵐霧平疇愈新綠時  
有牧歸牛一笛過山曲吾廬附幽深四面蔭修竹垂雲

下林梢驚鳥自爭宿夜色迫書卷呼童具燈燭

宿長安閘口

天寒雲氣陰地闊江岸敞鼓動風勢狂掀簸浪頭長單  
繩纜扁舟避雨宿深港上有阿蘭若危鈴作孤響一夜  
魂夢寒鄉國勞遠想清霜作朝晴舟師動帆槳

即事

夏木垂嘉陰中夜微雨集晨興涉西園爽氣衣外入側  
身過幽林葉上見餘濕菰蒲暗池塘有鷺如玉立樂哉

吾此居時平足堪葺

丁未四月與李叔佩還錢塘道浦江井坑嶺賦

此詩

扁舟絕驚濤芒履涉修嶺躋攀雖小勞窈窕豈人境  
巨石開雙闕有道細如綆其中漸寬虛闊步隨所逞古木  
垂嘉陰一覆餘里頃寂寂豔山花沉沉晦龍井時有飛  
泉落噴薄珠玉冷毛骨皆清涼反顧發深省麋鹿聞人  
聲駭去山之頂春禽正對哢決起不留影豈知道上翁

甚愛幽獨景如何蒙鄙外一笑不相領負負出前山遲  
疑夢初醒

暑雨

結廬在深寂芳簷蔭松蘿天晴風日溫時有燕雀過今  
茲夏暑雨衡門可張羅永歎復自慰幽興吾亦多

臘月三日義烏道上寄潘義榮

天風生暮寒一夜新雪積遲明兀復輿亂入山徑窄茅  
簷兩三家雞犬不見跡冬令頃弗嚴草木借春色愆陽

入桃杏弄暖浪蕊坼肅然變霜威犯者輒衰息獨餘山  
上松不動與寒敵十丈偉標致四面風浙瀝時於翠葉  
中碎挂瓊玉白忘我道路歎但覺心志懌擁鼻作孤吟  
清思浩無極

對月再用韻

團團滿庭月冷浸霜華重何人萬里外與此孤光共摩  
雲度征鴻天闊目難送三杯見妙理一靜服羣動陶然  
夜氣中可以觀幻夢

久雨二首 錄一首

山嵐變濃雲地氣洩冬熱急雨春風顛十日聲不絕舍  
中流水入牆外古溝咽塊然簷下雀狀若木雞拙我亦  
類禪定癡坐萬慮歇廚兵忽相報謂已糝藜蕨隨緣就  
一飽再看柏香爇

清明前風雨兼旬城外桃李無在者書室中有  
醪醖一餅置之甚久蓋風雨所不及也為賦五

韻

素質吐孤芳柔條數瘦綠誰將刻楮手作此數莖玉園  
林煙雨多百卉飛簌簌小室偶深靜花意猶清淑置之  
硯席間鼻觀常芬馥

茉莉

嶺上老梅樹歲晚等凡木霜風吹枯枝曾有花如玉茉莉  
抱何性犯此炎暑酷琢玉再為花承以敷腴綠憐渠  
一種香徧歷寒與燠時於寂默中至意微相屬鼻觀既  
得趣就枕便清熟夢中見靈均九畹皆芬馥

焚香

五月黃梅爛書潤幽齋濕柏子探枯花松脂得明粒覆  
火紙灰深古鼎孤煙立脩然便假寐萬慮無相及不知  
此何參透頂衆妙入處靜動始定惟虛道乃集心清杜  
老句高韻不容襲餘馨夢中殘密雨窗前急

偶題

軒前有修竹穿紙入窗櫺清風動搖之壁間影縱橫軒  
後有修竹山花依以生幽芳吐孤豔不與翠色爭愚翁



坐其間萬事蠢不萌不識動與靜但覺懷抱清千古媿  
張籍眼明心已盲

靜獨

飲酒或濡首作詩防嘔心疾走欲避影不如常處陰階  
前享明月但鼓無絃琴清風倘相過付之修竹林一靜  
服羣動萬緣寧我侵

郡治西廳錦被花不為治架每花開覆地而紅  
或緣他木以升予分其本植草亭之東家僮相

與栽木於地高七尺許上布圓竹復破竹交加  
之外出四簷如屋之狀通小窗側戶以窺視而  
出入餘皆花地下置一榻一几可以獨酌作詩  
以記之云

栽花傍庭砌立木為花屋小戶虛一偏橫窗置其腹分  
竹接柔蔓尺寸引鈎曲春工直解事夜雨頻澆沃枝條  
日滋榮滿架籠新綠紅淺暗香深揖遜薔薇服此花名  
錦被覆我四圍足比之公孫布豈不堪華縟自慙流落

人尚此享癡福我欲飲其中亂影交醜醜擁被即長謠  
傲枕眠清熟又欲效王勃醉處先磨墨引此略覆面腸  
胃成機軸染筆起臨風定作花芬馥

王勃每醉先磨墨數升引被覆面覺

乃為文

### 大暑竹下獨酌

新竹日以密竹葉日以繁參差四窗外小大皆琅玕  
隆暑方盛氣勢欲焚山樊備然此君子不容至其間清風  
如可人亦復怡我顏黃昏開竹杪放入月一彎綠陰隨

合之碎玉光爛斑我舉大榼酒欲與風月懽清風不我  
留月亦無一言獨酌徑就醉夢涼天地寬

閨怨詩三首

幽思春雲亂擬向琴中說  
徽寒錦薦高未鼓絃中絕  
尚有無絃韻或可奏明月  
階前望冰輪去去不停轍  
薄命如妾何秋風河漢闊

無心事鉛黛采采菊金黃  
徘徊欲寄遠雲夢連瀟湘  
豈不懷君子念之不敢忘  
西隣擊神鼓東隣鬧笙簧  
三嗅

籬邊英淚落秋風香

晨光入幽戶手織回文書聞古有雙鯉為人致區區書  
成立江邊天寒渺無魚微懷既莫致慘黛何由舒歸來  
更無語悵望庭花踈

正月十一夜燈開雙花

鉛杯壓短檠清膏沃虛草炯炯孤焰瘦吐此雙花好誰  
為夜氣溫暗助春風巧碎翦朝霞紅緣以金粟小或云  
兩玉蟲飛來抱釵杪美人輕燎之要看火中寶我聞家

道和可以感穹昊門闡將有喜每事吉先兆而我方朽  
衰負戾落南嶠胡為今夕光熠熠似相報無乃天地慈  
四海施洪造陽和隨根性溥為脫枯槁吾其得歸與頂  
戴君恩老

御選宋詩卷十七